

Հ. Ս. ՀԱՎՈՐՅԱՆ

ՄՈՒՐԱԳՈՒՅՆ ՀԱՄԱՅՆՈՒԿՆԵՐԻ ՎՐԱ ԶՈՈԿՈՒՄԱՐԻՆԻ
ԱԶԴԵՑՈՒԹՅԱՆ ՀԱՐՑԻ ՇՈՒՐՋԸ

Սինանտրոպ կրծողների դեմ պայքարի համար ներկայումս օգտագործվում են կոմարինի և ինդանտինի խմբերին պատկանող հակամակարդիչներ, որոնք իրենց թունաբանական հատկություններով և ազդեցության մեխանիզմով խիստ տարբերվում են նախկինում հայտնի ռատիցիդներից:

Կոմարինի խմբի կրծողասպան հակամակարդիչներից լայն կիրառություն է գտել զոոկոմարինը:

Զոոկոմարինի օգտագործման մասին գոյություն ունի հրահանգ [4], որը մշակել է Լենինգրադի գիտահետազոտական դեպինֆեկցիայի ինստիտուտը: Նշված հրահանգը վերաբերում է գորշ առնետների և տնային մկների ոչնչացմանը, նրանում ոչինչ չի ասված մոխրագույն համատերիկների վրա զոոկոմարինի ազդեցության վերաբերյալ: Քանի որ Հայաստանի սինանտրոպ կրծողների ֆաունայում մոխրագույն համատերիկը լայն տարածվածություն և բավական մեծ տեսակարար կշիռ ունի [1, 2, 3, 5, 6, 7], ուստի այս աշխատանքի նպատակը հանդիպացել է զոոկոմարինի ազդեցության ուսումնասիրությունը մոխրագույն համատերիկների վրա: Նշենք նաև, որ զոոկոմարինը մի քանի տարի է օգտագործում են մեր հանրապետության փանխարգելիչ ախտահանման բաժանմունքները, սակայն հատուկ ուսումնասիրություններ կրծողների տարբեր տեսակների վրա պրեպարատի ազդեցության վերաբերյալ, դեռևս չեն կատարված: Գործնական աշխատողների կողմից նկատվել է միայն այն փաստը, որ զոոկոմարինը ոչ միշտ է տալիս բավարար կրծողասպան էֆեկտ:

Առաջին փորձերը՝ զոոկոմարինի ազդեցությունը գործնական պայմաններում պարզելու նպատակով, մեր կողմից անցկացվեցին Երևան քաղաքի կրծողներով խիստ վարակված երկու օբյեկտներում, որոնց ֆիզիկական մակերեսը կազմում էր 3000 քմ: Այս օբյեկտներում գարնանը մոխրագույն համատերիկների խտությունը կազմել է 1000 քմ-ում 7,3:

1967 թ. մարտի 28-ին կազմակերպվեց պայքար կրծողների դեմ՝ քիմիական մեթոդի մթերային եղանակով: Թունավոր գրավչանյութը (զոոկոմարին 1:200-ի՝ 5%, գարու շիւս՝ 92%, բուսական յուղ՝ 3%) չափվել է 100 գ տարողությամբ բաժակով, և տեղադրվել օբյեկտներում 29 Պետրի թասերով: Ցուրաքանչյուր հաջորդ օրը չափվել է գրավչանյութի մնացորդը: Այն տեղերում, որտեղ գրավչանյութն ամբողջությամբ կերվել էր, քանակն ավելացվել է մինչև 200—500 գրամի: Գրավչանյութի ծախսը բերված է աղյուսակ 1-ում:

Ինչպես երևում է աղյուսակից, օբյեկտներում կրծողների դեմ պայքար տարվել է 46 օր անընդմեջ: Այդ ժամանակամիջոցում կրծողներն ընդունել են 90 կգ-ից ավել թունավոր գրավչանյութ, որը պարունակել է 4,5 կգ զոոկոմարին:

Ա Ղ Յ Ո Ւ Ս Ա Կ 1

Կրծողների ընդունած դրավչանյութի քանակն օրյեկտներում

Կ ե Ր	Օ Ր Կ Ր					
	28,03-ից 4,04	5,04-ից 11,04	12,04-ից 18,04	19,04-ից 25,04	26,04-ից 4,05	5,05-ից 13,05
Կերած դրավչանյութի քանակը (դրամ)	9525	19465	17150	14940	16350	12700
Միջին կերված քանակը մեկ օրում (դրամ)	1367	2787	2450	2134	1816	1411

մարինի բանվորական խառնուրդ: Նշված թվերը ցույց են տալիս, որ զոոկոմարինի դոզան զրալի է, սակայն կրծողասպան էֆեկտ չի ստացվել: Նույնիսկ ալելին, ոչնչացված կրծողներ չեն նկատվել:

Թունավոր դրավչանյութի որակն ստուգելու նպատակով լաբորատորիայում 5 սպիտակ մկներ կերակրվեցին վերը նշված դրավչանյութով: Ինչպես սպասվում էր, հսկիչ մկները մնացին կենդանի, իսկ փորձարկվող մկները ոչնչացան: Զոոկոմարինի քիմիական անալիզը պարզեց, որ այն իր որակը չի կորցրել:

Մոխրագույն համատերիկների դեմ պայքարի համար զոոկոմարինի օգտագործման աննպատակահարմար լինելը հաստատվել է նաև էքսիմածին քաղաքում անցկացված դեռատիզացիոն աշխատանքներով: Վեց օրյեկտներում (որոնք վարակված էին մոխրագույն համատերիկներով) 1,5—2 ամիս զոոկոմարինի կիրառումից էֆեկտ չստացվեց:

Համոզվելով, որ զոոկոմարինը մոխրագույն համատերիկներով վարակված օրյեկտներում գործնականում արդյունք չի տալիս, անհրաժեշտ համարեցինք նրա փորձարկումը օրյեկտներից որսված մոխրագույն համատերիկների վրա: Կարանտինային սահմանված ժամկետից հետո կրծողները մեկուսացվեցին առանձին վանդակներում և նրանց տրվեց մաքուր զոոկոմարին, հաց և ջուր: Նման փորձեր կատարվեցին նաև սպիտակ առնետների վրա:

Ա Ղ Յ Ո Ւ Ս Ա Կ 2

Զոոկոմարինի ազդեցությունը մոխրագույն համատերիկների և սպիտակ առնետների վրա

Կրծողների տեսակները	Նրանց քանակը	Տրված թունի քանակը 1 օրում	Թունավորման օրերի թիվը	Թունի զոոմարային դոզան		Ոչնչացված կրծողների թիվը	Ոչնչացված ժամկետը (օր)
				միլիգրամ	միլիգրամ/կգ		
Մոխրագույն համատերիկներ	10	1,0	5	5,0	140,0	0	0
Մոխրագույն համատերիկներ	10	1,0	10	10,0	270,0	0	0
Սպիտակ առնետներ	10	1,0	4—5	4,0—5,0	21,5	10	4—7
Սպիտակ առնետներ	10	0,5	1—5	0,5—2,5	8,8	10	2—5

Աղյուսակից երևում է, որ 10 օր անընդմեջ օրական մեկ մգ թունի ընդունումը մահացու ազդեցություն չի ունեցել մոխրագույն համատերիկների վրա, մինչդեռ 0,5 մգ 5 օր զոոկոմարին ընդունած առնետները բոլորը ոչնչացել են:

Համանման փորձեր են կատարվել նաև զոոկոմարինի 1:200-ի բանվորական խառնուրդով պատրաստված 5 տոկոսանոց գրավչանյութով կրծողներին կերակրելու մեթոդով: Կրծողներին տրվել է թունավոր գրավչանյութ և ջուր: Ամեն օր կերի մնացորդները կշռելուց պարզվել է յուրաքանչյուր կրծողի ընդունած գրավչանյութի ու նրանում հղած թույնի քանակը: Հսկիչ կրծողներին տրվել է նույնպիսի կեր առանց թույնի և ջուր: Փորձի տակ գտնվող 15 մոխրագույն համաստեղիկներին ոչնչացել էին 5-ը, 2—5 շաբաթվա ընթացքում, 1000 և ավելի մգ/կգ թույնից:

Մնացած 10-ը (որոնք չէին ոչնչացել) 1—3 շաբաթում ընդունել էին մինչև 1000 մգ/կգ թույն:

Փորձի տակ գտնվող 10 սպիտակ առնետները բոլորը ոչնչացել էին միջինը 49 մգ/կգ թույնից, 2—8 օրվա ընթացքում: Սպիտակ մկները ոչնչացել էին միջինը 182 մգ/կգ-ից, 3—9 օրվա ընթացքում:

Այսպիսով, ստացված տվյալները ցույց են տալիս, որ զոոկոմարինի հանդեպ մոխրագույն համաստեղիկները ցուցաբերում են կայունություն:

ԵԶՐԱԿԱՅՈՒԹՅՈՒՆՆԵՐ

1. Լաբորատոր պայմաններում մոխրագույն համաստեղիկները ցուցաբերում են կայունություն զոոկոմարինի նկատմամբ: Նրանց ոչնչացման համար անհրաժեշտ է թույնի խիստ բարձր դոզա (1000 մգ/կգ և ավելի) և երկարատև թունավորում (2—5 շաբաթ): Մինչդեռ սպիտակ առնետի ոչնչացման համար առաջարկվում է տալ 1—2 մգ/կգ:

2. Հինգ տոկոսանոց զոոկոմարինի պարունակությամբ գրավչանյութի օգտագործումը մոխրագույն համաստեղիկների դեմ պայքարի համար գործնականում արդյունք չի տալիս:

3. Զոոկոմարին օգտագործելիս անհրաժեշտ է հաշվի առնել տվյալ օբյեկտի կրծողների տեսակային կազմը և չկիրառել այն օբյեկտներում, որոնք վարակված են մոխրագույն համաստեղիկներով:

ՀՍՍՀ Առողջապահության մինիստրության Ն. Բ. Հակոբյանի անվան էպիդեմիոլոգիայի և հիգիենայի ինստիտուտ

Ստացված է 16/III 1969 թ.

Г. С. АКОПЯН

К ВОПРОСУ О ДЕЙСТВИИ ЗООКУМАРИНА НА СЕРЫХ ХОМЯЧКОВ

Р е з ю м е

В работе представлены результаты изучения зоокумарина на серых хомячках, составляющих довольно большой процент в фауне синантропных грызунов Армении (более 50% в отдельных районах республики). Как в лабораторных, так и практических условиях у серых хомячков выявлена устойчивость к названному препарату. Поэтому при при-

менении зоокумарина особое внимание следует обращать на видовой состав грызунов и применять зоокумарин только в борьбе с крысами и домовыми мышами, как это и предусмотрено в имеющейся инструкции Министерства здравоохранения СССР от 1 сентября 1966 г. за № 647-66.

Л И Т Е Р А Т У Р А

1. Бабенышев В. П., Давтян Г. Г. и др. Труды Армянской противочумной станции, I. Ереван, 1960, стр. 51.
2. Даль С. К. Животный мир Армянской ССР, I. Ереван, 1954.
3. Зильфян В. Н. Туляремия в Армении. Ереван, 1958.
4. Инструкция по применению зоокумарина для истребления крыс и домовых мышей. М., 1966, № 647—66.
5. Погосян А. Р. Млекопитающие близлежащих районов и окрестностей Еревана. Ереван, 1954, стр. 46.
6. Соснихина Т. М. Зоологический сборник АН Арм. ССР, VII. 1950, стр. 59.
7. Шахримациян В. Н., Саакян М. С., Даниелян Ш. М. Труды Армянской противочумной станции, I. Ереван, 1960, стр. 309.